

docu... 文川網
入駐商家 古籍書城
在文川網搜索古籍書城 發現更多電子書

中國方志叢書·華北地方·第五〇五號


據

民國·金潤璧修 張林、焦遇祥編輯
民國二十一年 鉛印 本

影印

河北省

平山縣志料集



9259/02

成文出版社有限公司印行



中華民國六十五年 月壹一版

平山縣志料集

公 冊

發行人：黃 成 助

出版者：成文出版社有限公司

台北市郵政信箱二二六〇五號

台北石碇新福路三號二〇〇五五號

印刷者：成文出版社有限公司

內政部登記證內政台基字第一一四七號

中華民國二十年八月

平山縣志料集

河北平山縣志料徵集處印

docsriver 文川网
入驻商家 古籍书城

在文川网搜索古籍书城 获取更多电子书

平 山 縣

志 料 徵 集 處

處	總	總	編	編	編	編
長	核	核	輯	輯	輯	輯
金	員	員	主	員	主	員
潤	何	田	任	何	焦	張
璧	玉	蔭		紹	遇	林
	如	隆		琦	祥	
				才		

平山縣志料徵集處組織簡章

- 第一條 本處以遵照 省令由縣政會議決議組織之
- 第二條 本處以遵照 省令規定之門類徵集本縣志料分別彙集具報並藉以明瞭本縣社會之實況爲宗旨
- 第三條 本處設處長一人總攬本處一切事務由縣長兼任之
- 第四條 本處設總核員二人負指示校閱之責編輯主任二人負整理審核各門稿件之責均經縣政會議推定由縣長聘任之
- 第五條 本處設編輯員若干人秉承編輯主任負編輯各門稿件之責經編輯主任推薦由縣長聘任之
- 第六條 本處於必要時得添設採訪員若干人負調查搜集各門事項之責經編輯主任請由縣長聘任之
- 第七條 本處於必要時得任用書記若干人負繕寫印刷暨本處會計庶務等職責
- 第八條 本處各職員除書記外均爲名譽職但於辦公調查採訪時得酌予飯資旅費
- 第九條 本縣各機關學校團體對於本處有所咨詢調查或囑辦事件均須負責火速辦理是覆以免貽誤要公
- 第十條 本處經費由縣長設法籌撥之
- 第十一條 本處暫由教育局內借估房屋數間設立之
- 第十二條 本處編纂竣工後即行結束所遺稿件交由教育局妥爲保存以作續修縣志之準備
- 第十三條 本簡章如有未盡事宜得由縣長隨時修正之
- 第十四條 本簡章自公布之日施行

中華民國二十年四月 日由 縣政府公布施行

平山縣政府訓令 第 號

令志料處

爲令行事案查本府呈送志料暨影片拓片等件請鑒核由茲奉

河北省政府第一六六九號指令內開呈悉查所編志料頗詳贍可採影片攝製尤極精工該縣長應記功一次所有編纂人員并予傳令嘉獎所送志料等件應發交通志館詳核併應令民政廳知照此令等因奉此合行令仰該處轉知編纂人員一體知照

此令

平山縣政府印

中華民國二十一年二月二十九日

縣長金潤璧

平山縣志料序

平山乃漢之蒲吾縣唐之西平州縣分最古山環水繞自稱區域風景清幽甲於他處歷代賢哲卓卓足以自見者頗不乏人而邑乘之可考者則爲湯志乃有清康熙十一年平山縣知縣江左湯聘所修志稱平山舊誌昔爲嘉靖年間知縣李從今重修萬歷年間知縣苗峨然重訂舊簡灰燼之餘遺編殘蝕之次蒐集成帙則出於邑貢生王紀正弟子員康三立等之力居多其地理秩官版籍按籍而稽已約略得其大端矣嗣後歷百八十餘年迄咸豐癸丑歲王君子潔宗陸清獻公成法而重修之光緒癸亥歲唐君蔭桐復增輯田賦官師選舉人物藝文五門爲續志一編光緒二十四年知縣熊壽彝復合唐志而續修之稱爲續志蓋所以續王志而成之者也民元以還世運日新法制多所改革卽風俗禮文亦因之時有變更此二十年中其爲地方沿革事實之重大足堪記載者尤復不尠而倡之者寡文獻無徵識者病之今春奉令徵集志料爰召會議組織志料徵集處由地方紳耆按照令頒門類詳徵博採分頭進行並以教育局長焦君遇祥邑紳張君林人品端方學識宏通且具有時代思想公推爲編輯主任以總其成耆老田君蔭隆何君玉如博學多聞擔任總核以資參證於是衆擎易舉不數月而採集完備且於志料之外將名勝古物逐一查詢拍照共爲照片四十有五由教育局長附具說明另爲一編於七月下旬脫稿付印此本縣徵集志料之經過情形也溯自七月以來國事蜩唐平山多故始而晉省潰兵入境擾亂繼而石軍佔據石門正定等縣於斯

時逾四匝昔兵燹闕亂鴻謠傳四起一夕數驚而無張一言一方遑營維思悉心編纂一方登梓付印未曾稍廢其定力有足多者者年臣君隆隆出其言所紀錄全不故諱時有出於奮有諸志之外者而徵引詳確足備他日之採集諸君皆純盡義務而能昕夕孜孜俾得以早日觀成其勤勞尤不可沒云

中華民國二十年八月十二日

平山縣縣長杭縣時青金潤璧謹識

平山縣志料序

志料非縣志也民國二十年春省府以前徵各縣縣志或歲久失修徒資考古或操觚謏陋體例冗蕪完善之編殊不多覩實不足以周知省情神補政務用特規定門類附以說明分行各縣徵集志料以補前徵縣志之缺漏而供行政之參考兼爲他日重修省志之準備於是 縣長奉令召開會議推選行政人員及碩學紳耆組織平山志料徵集處按照欵目博採旁徵詳審編纂以符功令余天資不敏學淺識陋謬以尸位教育濫竽其間偶有所述亦不過按譜填詞而已且此次徵集彙纂統係按照令頒門類依次叙列並非有所建樹僅堪爲異日續修縣志之資料幸毋以此視爲縣志則幸甚矣清咸豐年間邑宰王子潔有云竊以志之屬於一邑微焉者耳然而地勢之險夷土田之肥瘠風俗之美惡政教之得失世道之升降人才之盛衰治理之難易民性之好惡剛柔物產之貴賤羸絀前次官吏之貪廉仁暴皆於志乎匯其全雖名曰志究之紀傳志表無體不備非素擅三長豈易言修要之盛衰得失之林創造建設之圖絕非倉猝之間率爾操觚者之所可能是以召開會議之際一般碩學紳耆對此咸告不敏豈凡庸若余輩之所能濟事者哉爰於付印之際略示愚衷附於簡端以釋羣疑而免滋惑云爾

民國二十年八月十二日

麟呈焦遇祥謹識

平山縣志料門類目錄

疆域 卷一

沿革 位置 區域 面積

地理 卷二

山脉 河流 交通 關隘 名勝 古蹟

氣候 卷三

人口 卷四

物產 卷五

實業 卷六

行政 卷七

組織 財政 治安 自治

教育 卷八

金融 卷九

風土 卷十

宗教 民生 禮俗 歌謠 方言

平山縣志料集

平山縣志料集

人物 卷十一

藝術 卷十二

著述 卷十三

金石 卷十四

故事 卷十五

史事 軼聞

外僑 卷十六

平山縣志料門類之一

疆域

- | | | | |
|-----|-----|-----|-----|
| (1) | (2) | (3) | (4) |
| 沿革 | 位置 | 區域 | 面積 |

(1)沿革

平山縣在禹貢九州屬冀州冀州即今直隸山西二省及河南黃河以北奉天遼河以西之地後分九州為十二州則屬并州虞舜分冀東恒

即舊直隸之正定保定山西之舊太原大同等府周漢皆置并州周制同虞漢為今山西及陝西之舊延安林榆等府地後漢并州刺史治晉陽即今山西太原縣治北朝至唐遂專以山西舊太原府為并州春秋時屬晉國為

蒲邑因蒲水出中山蒲陰故名戰國時屬趙為番吾君地西漢時取蒲邑番吾二名置蒲吾縣治城在今

城東南十五里之蒲吾村隸常山郡常山郡原名恒山郡治元氏故城在今元氏縣西北三十里後避文帝諱改常山隋後為恒山郡唐又改為常山即舊直隸正定府及趙州地東漢因之凡四百餘年

無改革魏廢晉復置蒲吾仍屬常山後魏因之後周宣帝宣政元年置蒲吾郡以靈壽屬之隋開皇

十六年析蒲邑置房山縣一名嘉陽即今縣治亦以縣西北有房山故名之大業初省蒲吾入井陘以房山

屬恒山郡義寧初於縣置房山郡又置蒲吾縣隸之隋僅二十餘年更置三次唐高祖武德初改為

嶽州相傳即西平州在今治城西一里四年州廢仍為房山縣屬并州後屬恒州恒州為後魏所置唐改為雲州即今山西大同縣後魏之季州陷僑治四

州秀容郡城即今忻縣北周移至常山即今直隸正定縣肅宗至德元年兼取西平房山二名改為平山縣屬鎮州五代因之（或又

謂歷晉五台太行西山萬山嵯峨至此而勢始平故曰平山）宋分中原為十五路則平山屬河北

路真定府漢真定國又為恒山郡旋改為常山北周置恒州唐改鎮州後唐建北都改真定府契丹號為中京明清皆為正定府金因之元因宋之路以設省則平山屬中

樞省正定路明沿省制而平山又屬北直隸省正定府清因之惟直隸無南北之分耳民國三

府設道則平山屬保定道十七年裁道直屬河北省云

縣治土城一座為隋開皇十六年由蒲吾析置周圍四里零一百二十步舊高二丈八尺闊一丈

五尺金大定二年知縣賈彥重修有記明成化知縣董璽重修城門用磚石上建門樓四座每座三間角舖四座每座三間舖八座每座一間鐵裹門四合嘉靖三年知縣李應奎重修高闊增三尺許計高三丈根闊二丈頂闊一丈嘉靖十二年知縣王公重修置牕楹舖板於門樓扁其額曰東作南薰西成北拱嘉靖三十年知縣李從今重修創置磚堞口一千八百四十一個城上砌水溝七十一條吊橋四座城上東北隅築墩臺一座城外浚濠池各一道深一丈五尺闊一丈二尺池外護城堤各一道高一丈五尺根闊一丈二尺頂闊五尺堤外攔馬牆一道高一丈闊四尺隆慶四年知縣李遲春創建魁星閣一座在文廟前南城上樓下置鐵裹門一合門前建三汲橋萬曆二十一年知縣李天憲重修南門用石砌上建大樓一座角樓四座扁曰永禧有碑記萬曆三十七年知縣王宇清重修北城門用石砌又修東城樓併四城牆垣東關鑿門舊有小樓萬曆四十二年知縣陳楹改建龍吟樓一座有碑記崇禎間巡按衛公澄清移鎮平邑爰發贖銀二百兩修建西南角臺一座並用磚石砌四城角建明樓二座一曰山環一曰水帶兵憲楊公隨捐銀二百兩建西南砲臺一座郡守邱公捐銀二百兩建西北砲臺一座知縣區公亦捐銀一百兩建西北角臺一座有碑記知縣陳調元創修磚城未完破壞城內五街東街西街南街北街之外又有新街其地在縣衙西城隍廟後康熙九年知縣湯聘建營房三間使防兵輪宿又建民房二十餘座招募復業流民遂成集市今原建營房及民房雖廢其地基歸入東街所屬而續行修建之民

房已普遍全街仍稱新街云

縣治在東北隅明洪武初丞葉瑀建永樂以後迭經知縣朱貴張璟李應奎李從今相繼增修大堂三間名曰絜矩後名忠愛堂堂前爲戒石亭亭後改建保赤坊亭前爲儀門東西爲角門又前譙樓三間卽大門照壁一座康熙十一年知縣湯聘重修堂後爲退思所三間扁曰思補堂再後爲知縣宅正房七間東樓三間西房三間北花廳五間南書房三間東西廂房各二間東書房北屋四間西房二間大廚房五間堂左爲庫樓看樓房一間堂前爲儀仗庫軍器庫爲架擱庫東西對峙吏廨各十間儀門外東西各有常平倉舊志載軍需倉預備倉支應局東西收糧房十間久廢即此地基清順治元年井陘土寇破城官衙民舍盡爲灰燼二年知縣裴承榮重修大堂二堂三堂後宅以及鼓樓贊政門身等房順治三年知縣李善盛宅西建譙樓一座康熙七年七月大雨縣宅盡圯康熙九年秋知縣湯聘重修乾隆三十四年知縣員家駒補修又於縣署西院堆山鑿池創建六角亭一座衙西北鑿井一眼題曰養泉道光二十五年知縣萬起鴻二十七年知縣張夢麟相繼補修西北爲馬號西南爲囹圄咸豐三年獄牆雨圯知縣王滌心補修嗣後雖屢壞屢修而改革無多惟民國十七年縣長王靜波將大堂改修爲中山俱樂部大門改修爲平山縣公署而建築局式爲之一變云竊按平山在河北邊陲接壤晉疆控扼要害脈祖大行萬山嵯峨地勢多險一旦北方多故東西尋隙則平山適當其衝是以修城鑿池建設衙署或意在防衛或勵精圖治而其要則在乎見大

docsriver 文川网
入驻商家 古籍书城

在文川网搜索古籍书城 获取更多电子书

顧兔亡羊補牢而有以治本治標之間耳用特附誌其因革以備參考

(2) 位置

平山縣居本省之西部縣治在縣境之東南三面環山滹水繞其東由治城東至正定縣界四十里至縣城七十里西至山西孟縣界一百二十里至縣城二百里南至獲鹿縣界三十五里至縣城五十里北至靈壽縣界三十里至縣城四十里東南至獲鹿縣界三十五里至縣城六十里西南至井陘縣界五里至縣城七十里東北至靈壽縣界十二里至縣城三十五里西北至山西五台縣界一百七十里至縣城二百九十六里縣境東西廣一百六十里南北長二百零五里

(3) 區域

平山地處山區居民除在城附近之平原外率多依山傍水因利乘便聚爲村落大者數百戶小則三五家數十家一村不等是以向分三十六莊共計七百零二村自民國十七年七月實行編村後全縣共分五區編爲二百二十村縣治所在爲第一區共轄二十三村即

東街東關南街關西街關北街關王子村新安村東莊村燈堡

村孟嶺村南賈壁村中賈壁村北賈壁村沿莊村王母村孟賢壁村南澤營村王平村
中白樓中北白樓村張齊村東望樓村崗上村宋西治村南頭丁西治村西治北頭

其東爲第二區共轄二十一村

區公所設白砂鎮第一學區講演所暨公安分局在焉即

北白砂南白砂張堡村沿村田村古賢村石橋村永樂村勝佛村水碾村義羊村河村東昆村上呂村上

黃壁村下黃壁村莊頭村邱陵
村曲堤村川坊村鄭家庄村

其南爲第三區共轄八十一村區公所設回舍鎮第二學區講演所及七

莊區立高級小學校與公安分局在焉即

東回舍南望樓張胡莊村封城村西大吾村東沿興村田興村近掌村封許大齊村東洞兒村南水村孟兒莊村冷泉村西回舍村北望樓村郭家

庄村白塔坡村東大吾村西沿興村尤家庄村李家莊村王大齊村西榮村北水村霍賓台村梁家窰村紅草凹村抗家村閣常
 峪村焦家庄村樓斗崗村台頭村北馬琢村候家庄村柴庄村崔家溝村板山村紅岸寨村鹿台村天井村拷栳台村後溝村邢
 家溝村大陳庄村王常峪村郭家坊村雕常峪村蘇家庄村屯頭村南鳥琢村景家庄村東庄村不開村温塘村杏園村甘秋村
 觀南庄村井溝村玉皇閣村韓台村南治村黃安村七里坪村西灣村清風村井字峪村嘸杜村柏樹灣村店家會村木盤村古
 道村下灘村大米峪村北治村獅子坪村雁尾溝
 村惡石村塔崖村柏樹庄村梨樹灣村土嶺村
 其西為第四區區公所設洪子店第二學區講演所及縣立

第二高級小學校與公安分局在焉共轄八十七村即
 洪子店東黃堡西黃堡村柏嶺村朱毫村東馬舍口村下
 北庄村陳家峪村上西峪村王安村小米峪村南盤石村下劉家坪村南古月村秋上洞村柏里村黑山口村後古道村窪利洞
 村桃河村蠶寨村杜家庄村貓石村下柳村下三家店村前古道村秘家溝村觀音堂村下槐村柏卜村南庄村通家口村下觀
 音堂村李家溝村沙坪村張家川村元方村盤口村木口村望南峪村上柳林村牛居村夾峪村西漂里村小覺村康庄村王家
 岸西下庄孫家口欄道石九里舖友庄村大坪村鶴鵲崖蛟潭庄西沙嶺桑林溝口木月村李家岸大地村桑園口上馬家串東
 西殺虎陡嶺南庄村店頭村脈道村砂凹村扶峪村鄧家庄村東章園村奶
 奶廟村楊家橋黑山關桃園村林峪村王家峪村西七里河村卸甲河村
 其北為第五區區公所設南甸鎮第四

學區講演所及縣立第三高級小學校與公安分局在焉共轄一百零七村即
 南甸鎮解家疃蘇白雁賈
 青炭南焦家城西相公庄
 康庄北白雁史家庄盧家庄秘家岸東寺家庄九嶺村東熟泥溝葫蘆峪胡家疃角石院谷青炭北策城灣子村王陳庄桃林村
 上七汲上牌上七汲下牌上七汲中牌新庄村冷泉村東王坡西熟泥溝齊家龔魏家院榆林村李家庄上庄小河北莊子河北
 焦家坡石圈葛家疃坡頭海眼西寺家庄焦青炭寒虎河江家河下觀村北石殿東崗南崗家灣石盆峪韓家庄郭蘇鎮東紅嶺
 北下東峪兩界峯霍家溝石古洞韓丁村紙家庄小北頭村吊兒村陳家院滾龍溝趙家庄張家庄講里村蘇家庄寨北亂泉會
 口村西岡南米家溝樓子湖中石殿南石殿上奉良馬疃村胡家嘴訪家庄李家坡村郭村劉楊村張楊村田營鎮兩河村
 康家村三汲村河渠村趙家岸西岳村東岳村大康街西關庄東李家坡西金山郎家村蒲桃坡底白家岸蒲北單楊村西窪七
 汲茹家庄廟頭
 縣治土城一座周圍四里零一百二十步高二丈八尺闊一丈五尺金大定二年知縣賈彥

所修東街關最長大小商號亦最多西北街最短西關戶數尤少縣政府設城內東街財務局建設
 局在縣府大門內第一工廠在舊典史署縣府大堂自民國十七年經縣長王靜波改修為中山俱
 樂部區公所在其東偏係就舊日兵房改修其西為救濟院通俗講演所公立醫院均係就舊日城

隍廟房院改修救濟院大門之西爲公安局第一高級小學校在城內東南隅係就舊日天桂書院改建而成教育局在文廟內東鄰縣黨部係文昌宮舊址南爲民衆閱報所暨通俗講演所辦公處係就文昌宮前戲樓改建而成西鄰兩級女學校係舊日儒學故址商會在城內北街職業學校在東關外鄉村師範學校在西關外之龍王廟圖書館在廟內玉皇閣上城廂共設男初級小學六處女初級小學一處此全城之大概情形也

(4)面積

平山地居山隅道路崎嶇形勢之廣狹不一道里之距離無定考究面積頗屬困難且志書疆域所載僅列廣袤不詳面積志稱東西廣一百六十里南北袤二百零五里是故一談面積則無所依據幸而教育局督學許應運前於民國十二年充任教育局視學時即乘查視學務之便隨時隨地考察山脈之向背河流之形勢及村落之布置道里之遠近於民國十四年製有平山地圖出版更於民國十八年遵照教育廳命令複製平山學區新圖並將考究之結果詳列比例尺於圖上由教育局長呈明教育廳核准有案茲因其地勢以三角形面積計算底長約一百九十里中高約一百七十五里共計一萬六千六百二十五方里云

平山縣志料集

八

地理

(9)	(5)	(4)	(3)	(2)	(1)
古	名	關	交	河	山
跡	勝	隘	通	流	脈

(1) 山脈

縣境之山皆太行餘脈由縣之西南入平山境分兩大支一直向北由平山入靈壽阜平縣境與晉省作天然之界限山以西爲晉省山以東屬平山其一直向東界井陘平山之間至縣治東南入井陘獲鹿縣境其餘由西南而西北散入平山境內者遠或數十里近或數里萬山叢錯殊形異狀其稱謂率由土人象形命名如縣西北之鐘山又名笠山以其自南望之其形如笠近之則似鐘矣胡家庄正南之佛頭山以其山形如立佛山腰小佛羅列無數其形畢肖也餘如貓石馬頭山等亦皆象形名之其他足稱述者如縣西百二十里之天桂山峯巒奇峻高不可攀鳥道羊腸上入雲際其絕頂寬平可居上有真武廟玉皇殿等又有東西樓住持不下數十人下有三門可通卽所謂三門寨相傳此廟係明崇禎時太監林清德所建又縣西百三十里之十八盤山勢嵯峨中有一道上下有十八折係通孟縣之道分水嶺在縣西百五十里五台太行之水分流東西故名陡嶺在縣西北山勢陡峻不可登陟者廬山在縣西五十里上有張果老祠房山在縣北六十里上有王母廟相傳係漢武帝立又名王母山梁貞明中王谿盛飾館宇於西山卽此覺山在縣西六十里山發太行諸峯週迴百餘里相傳五代時有大覺禪師在此大開爐冶故名林山在縣北二十里東西兩峯對峙林立故名五龍山在縣西南二十餘里長約數十里山之左右果樹最多柿子黑棗居其大半知母黃芩益母草等藥料所在皆有獅子山在縣西北二十里其脈自西來約數十里至此突出高十數

丈形如獅子山之陽有龍王堂隨山勢之高下以建廟上有井足供數十人之用山口曲折非至近不能見庚子之亂避兵此山者甚衆竇山在縣東南八里相傳竇建德屯兵於此光祿山在縣南十里上有後唐所封金紫光祿大夫祠故名古時林木繁茂相傳修建正定縣之大佛寺卽斫伐此山之木料需用云其餘名稱繁多不可勝記

(2) 河流

本縣河流以滹冶二水爲最大滹沱河發源於山西繁峙縣經雁門鹵城縣而流至縣境西北之惡石口入平山境經縣西之三家店村有陷溢河併入流至治城東之東窰村入正定界此河水勢雖猛在平山境內因兩岸多山尙無大害惟在春夏之交天氣亢旱往往數里無水以此河底皆沙水多滲入地內自清雍正初營田制興沿河開墾灘地甚多至乾隆末年河水漲發冲壞地畝無數自此以後屢修屢冲今所存者不過十之二三餘皆一片沙磧多半不堪承種此屬於滹沱河者至治河發源於山西平定縣松嶺下由娘子關入井陘界名綿蔓河至平山縣西南之西冶村入境流至城西一里餘有澤營河併入至城北八里之合河口入滹沱河此河底皆石子雜沙水流甚急冬月不冰然每值漲發時水高至一二丈不等以河源不遠一二日卽平然淹沒田禾損壞地畝亦時有所聞按元史此河初不與滹沱合其故道係由治城南入獲鹿境至世祖至元間故道淤塞始併入滹沱歲爲民患因請治治河故道至泰定初又兼治滹冶二河以殺水勢後仍淤塞此河經縣境不

遠而灌地甚多現今如史家灣灘賈壁灘天成灘川坊灘水碾灘義羊灘皆引此水灌入又有新開之渠如聯合渠興盛渠大同渠等澆地不下數百頃其餘藉水勢而磨麪粉者亦所在多有河中石子又可以燒石灰利源所在有裨於民生者甚鉅此縣境河流之大概也其餘山中之水與各地所出之泉湧則有之旱則消滅有河之名而無河之實均不足記載矣

(3) 交通

平山之交通以東南獲鹿石莊爲最盛凡縣境之出口貨物與外來之一切貨品多半由此兩路出入所以每日車輛往來不絕其東至正定東北至靈壽雖亦能通車輛以爲滹沱所隔而津渡皆係草橋冬有夏無且遇河水漲發往往數日不通至西界晉省雖亦交通之孔道而山路崎嶇僅通騾駝車輛概不能行民國初知事余廷珪募款開修此路騾車可通至縣西之洪鎮而冶河之津渡冬雖仍爲草橋夏則已有船隻往來稍稱便利縣境南界井陘亦多山路爲煤炭輸入之要道然亦僅通驢騾不能行車今年本縣各區始設置電話傳達消息至爲靈捷近又籌修縣道及石莊汽車路之舉然需款至鉅猶未籌集倘一旦見諸實行交通上必驟然改觀勿待言矣

(4) 關隘

古時畫井分疆設關防守所以備不虞而保治安也平山西界晉省號稱巖疆明末清初晉井兩寇時常竄入所在搔擾是時爲防流寇計獨於西山一帶設口甚多舊志所載前隘口共四十餘處守

口官兵至數千人至清康熙間尙留二十三口至咸豐間僅留八口而設兵防守者惟六口蓋時值承平設備亦因之遞減矣其一曰十八盤口在縣西一百二十里山勢嵯峨係赴孟縣僻道山路盤曲十有八折寬五六尺不等牲口可行唐宋置白馬關並置十五寨明正統間築城設兵清咸豐間由固關撥兵三名防守其次水關村口在縣西北一百四十里亦赴孟縣小道險窄難行山口有關清咸豐間由固關撥兵三名防守其北有黑山關口在縣西北一百九十里係赴山西五台僻道山路險隘寬三四尺不等咸豐間由龍泉關撥兵五名防守桑園口在黑山關北距縣城二百里亦赴五台小路寬僅二三尺山勢陡峻旁臨深澗明宏治設兵清咸豐間由龍泉關撥兵五名防守再大爲合河口在桑園口東距縣城一百七十五里亦赴五台僻道寬僅一二尺不等咸豐間由龍泉關撥兵三名防守其餘如清風口在縣西南一百一十里進口有路三條中路稍寬西小道通孟縣東小道通井陘明正統築城設兵十六名後裁又黃安口在縣西南一百四十里亦通孟縣僻道明正統築城設千戶一員兵二十名後裁此外如三岔口惡石口鶴子巖口白羊平口大嶺口等皆係與山西井陘交界之處前皆有兵防守後俱裁撤此平山關隘之大概情形也

回舍鎮在縣西二十里嘉靖二年知縣盧潮承檄修築周圍二里餘高二丈闊一丈五尺外浚濠池立東西門樓二座嘉靖三十三年知縣李從今重修順治元年井陘土寇槍劫房舍灰燼康熙七年洪水牆圍淋壞康熙十年秋奉撫院金築牆浚濠知縣湯聘親督蠲犒急工修築立東西南



三門

郭蘇鎮在縣西北四十里嘉靖二十一年知縣盧潮修築周圍一里有奇高二丈闊一丈五尺立西南二門順治元年并陘土寇焚劫康熙七年大雨牆淋康熙十年知縣湯聘親督勸稿修築如式

南甸鎮在縣北三十里舊無牆堡周圍一里許康熙十一年知縣湯聘修築牆濠高八尺闊三尺五寸周圍環繞較盛於前

洪子店鎮在縣西六十里舊無牆堡順治元年并寇焚劫燒燬人民逃散土地荒蕪康熙十年奉院文修築牆濠以集在山巖不可版築知縣湯聘遴委約總義民吳得祿捐資勸工修築石牆高一丈立東西門二座巡警不懈煥然改觀

竊按以上各鎮在今日視之雖無險要之可言而建設之主旨則在乎防衛與設關防守之意無二因附錄於關隘之末以備參考

(5) 名勝

平山在夏時屬冀州至春秋時爲晉蒲邑乃古之嘉陽城也查古志所載北嶽控其東太行揖其西北倚林峯面對光祿右襟冷水左帶滹沱萬山峨峨百川浩浩山水之奇觸目皆然遊覽所至頓豁心目惟僻處山隅交通梗塞文人學士跋涉維艱遂致靈區勝境湮沒無聞蓋所謂勝而不名者歟

謹擇其志書所載聞見所及者分述於後其中雖時有得諸傳說不免附會之譚然卽足以著時代人民心理之表現且網羅舊境軼聞以爲異日辯證之資亦考古者所不得而廢也姑並錄之

光祿山在縣城之南距城約七八里上有後唐所封金紫光祿大夫祠山勢纒從嵐光疊翠南拱邑治秀如列几土人鑿山爲徑層累百餘級登高憑眺城郭山川奔赴眼底四顧煙雲環繞最爲奇勝昔知縣湯聘本徧覽名勝賦平山十景詩所謂光祿晴嵐卽十景之一也（其詩載入縣志附錄於後）

林山在縣北二十里東西兩峯對峙林立故名在東者曰東林山在西者曰西林山兩山相隔約五里突起平原與他脈不相連屬山各一寺在東林山者曰萬壽寺爲宋嘉佑二年所建殿宇巍峨莊嚴宏敞寺內有古柏二株東西對立皆大數圍蒼蔚可觀人呼爲雌雄柏山上有望京樓世傳唐天壽太子團澤法師（今林下有團澤法師塔內塑其像）修持是山因念父母而建斯樓後人有詩云哀哀父母恩難報時復登樓望玉京蓋弔之也西林山之下曰山頭寺山上有石室二所室中各有大石佛一尊環壁皆鑿小石佛有千佛堂百佛堂之名相傳爲唐天壽太子所鑿今則佛頭盡失勝蹟凋殘良可慨也山頂有巨石高聳丈餘上有棋盤痕跡相傳爲仙人棋盤又有試心石者從山頂向外突出丈餘橫插空際形成絕險相傳有根行者得至巔處無則不能云東西兩峯直入雲霄每至暮煙西吐明月東升時翠色遙連若隱若現令人流連躑躅而不忍去故林峯疊翠亦爲十景

之一云

王母閣在縣西北八里閣建高台上閣之東南爲光祿峯晴嵐掩映翠色如滴閣後遙倚林峯煙火千家郊原上下雲樹婆娑在若遠若近之間西南林壑諸峯互爲倚伏如拱如揖形狀詭異莫可得而端倪也閣臨深淵（卽滹沱河）下視可十餘丈許側視可十餘里許三春和暖桃花盛開樓閣參差峯巒上下邑人多往遊焉故仙台遠眺亦爲十景之一世傳漢武帝曾謁王母於此飲以瓊漿奏以霓裳後人因建王母祠於上其經始之年月已不可考康熙十一年知縣湯聘捐俸閭邑紳衿士民集資重修之有碑可考

龍王廟在城西里許冶河東岸俗稱龍王堂爲前明知縣張景所建廟枕冷水沿岸怪石嵯峨水不能嚙上有三官廟踞石之巔四顧山光水色豁人心目雨後水聲擊石澎湃嶒嶸氣象清絕清康熙十二年知縣湯聘重修建牌坊一座題額薛蘿凝碧三官殿右創冷然亭殿左建捧日軒道光六年知縣高希祖改冷然亭爲喜雨亭二十五年知縣萬起鴻改捧日軒爲小有天喜雨亭係八角亭一座中有八角石案一方環列石座爲遊人憑眺棲息之所亭前古柏一株蒼翠可愛冷水自西南來由亭之西而北流乃冷水渡口冬搭土橋夏撐拍渡爲城西之孔道沿河南北開渠灌田引水打磨水田漠漠樹木森森倘河水漲發則波浪洶洶翻天覆地獅吼虎嘯聲震遐邇彼列西河春泛爲十景之一不過取其幽秀之一端殊未足以盡其勝也

docsriver 文川网
入驻商家 古籍书城

在文川网搜索古籍书城 获取更多电子书

龍王堂在縣西二十里獅子山之陽（以山形如臥獅故名）隨山勢之高下以建廟山口曲折隱蔽室宇非相距至近不能見之龍堂夜月亦爲十景之一

天桂山在縣西一百二十里峯巒奇峻高不可攀鳥道羊腸上入雲際山中樹林陰翳禽鳥穿梭嘯侶呼群飛鳴上下萬花競秀五色分披樵童牧叟行歌互答時而伐木丁丁鳥鳴嚶嚶時而風吹谷應萬籟齊發故天桂樵歌亦爲十景之一良有以也其絕頂寬平可居下有三門可通卽所謂三門寨也憑山遠眺西北諸山或蹲如猛虎或狀若睡獅或山骨嶙峋或山形峋巖但與此山相此則或至其腹或及其腰渺乎小矣杜少陵詩云會當陵絕頂一覽衆山小此山有焉明崇禎末年太監林清德（河間府內邱縣人）覘知國事垂危見此山險峻幽秀遂以巨資開闢建設歸隱其中清儒魏裔介爲製碑文以誌其事（今碑尙存）但其勝景多在前山（卽陽山）南山麓拾級而登約五六里許至青龍觀爲住持所在地游人登臨食宿恒集於斯後負危巖翼冒全觀前臨深壑不可下視三院並列成對稱式正殿爲真武廟築於雲集台上南對南天門北依無梁殿左靈關而石關帝規模宏壯肝脾洞在無梁殿之西上方無林祖鳩工庀材經營青龍觀時之所居也洞旁有石如豚首耳目口鼻無不畢肖若出山張口有所吞食狀洞內有紅石下垂狀類肝臟且時有紅液下滴如血水所謂肝脾洞者以此歟後山則山石嶙峋作雲霧狀勢尤險峻登臨者絕少其境多不傳云民國十六年六月縣立第一高級小校教員檀文閣前往登臨著有天桂之遊一冊繪具圖說敘述頗詳今

平山縣志料集

繪其圖於後以作遊人嚮導云

一八